

〔七句义〕（三）「行所住处」中〔四〕为欲得法身住处：2、证得法身（1）智相法身

证得法身复有二种

（1）智相法身

（2）福相法身

经文07

经言：「须菩提！于意云何？如来得阿耨多罗三藐三菩提耶？」

此为依义，显示翻于正觉菩提取故，说法者正觉所摄故

经言「有法可说阿耨多罗三藐三菩提」者

是为说相，显示至得法身故

「无有定法」者，上座须菩提道佛意故

世谛故，有菩提及得

是为欲愿摄持

以方便故，二俱为有

若如世尊意说者二俱无有

为显此故，经言「如我解世尊所说义」等

为欲得智相至得法身住处故

经言「何以故？如来所说法不可取，不可说，非法，非非法」者

是安立第一义

由说法故，知得菩提故。于说法中安立第一义

「不可取」者，谓正闻时

「不可说」者谓演说时

「非法」者分别性

「非非法」者法无我故

经言「何以故？」
以无为故得名圣人者

无为者无分别义也。

是故菩萨有学得名

于中初无为义者，三摩钵帝相应，及折伏散乱时显了故

无起无作中，如来转依名为清浄，是故如来无学得名

第二无为唯第一义者，无上觉故

自此已后一切住处中，皆显以无为故得名圣人。

应知前诸住处中未说无为得名，于此说阿耨多罗三藐三菩提中无为已竟。